

Izveštaj o radu Uprave policije MUP-a Kantona Sarajevo za mjesec decembar 207.godine

KRIMINALITET

OSNOVNI STATISTIČKI POKAZATELJI KRIMINALITETA

U mjesecu decembru 2017. godine, na području Kantona Sarajevo registrovana su 403 krivična djela što je za 36 ili 8,2% manje u odnosu na isti mjesec prethodne godine.

Od ukupnog broja registrovanih krivičnih djela, 182 ili 45,2% izvršeno je od strane poznatih, a 221 ili 54,8% od strane nepoznatih izvršilaca.

Za 80 djela ili 36,2% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 36 krivična djela iz izvještajnog, a 44 iz ranijeg perioda.

Iz naprijed navedenog proizilazi da su službenici Uprave policije MUP-a KS u izvještajnom mjesecu za ukupno 262 krivična djela ili 65%, identifikovali osumnjičene izvršioce, što je za 4% manje u odnosu na isti mjesec prethodne godine.

Zbog postojanja osnova sumnje da su počinili krivična djela prijavljeno je 249 lica (deset više), od čega je 128 povratnika (17 manje) u izvršenju krivičnih djela (ili 51,4%), deset maloljetnika (tri više), a 94 lica su lišena slobode (18 više).

Pregled kriminaliteta na području Kantona Sarajevo u mjesecu decembru 2017/16. godine posmatrano po glavama KZFBiH-a
(Sl. novine FBiH-a br. 36/03) i KZ BiH-a (Sl. glasnik BiH-a br.3/03)

KRIVIČNA DJELA	decembar 2017.	decembar 2016.	uporedba br.KD		„rasvjetljenost“ decembar 2017.g.	
			+ / -	%	br. KD	%
Protiv života i tijela	26	14	12	85,7%	27	103,8%
Protiv slobode i prava čovjeka i građanina	19	19	0	isto	20	105,3%
Protiv spolne slobode i morala	1	0	1	---	1	100%
Protiv braka, porodice i mladeži	17	35	-18	-51,4%	17	100%
Protiv zdravlja ljudi	65	38	27	71,1%	65	100%
Protiv privrede, poslovanja i sigurnosti plat.	0	1	-1	---	0	---
Protiv imovine	244	281	-37	-13,2%	103	42,2%
Protiv okoliša	3	1	2	200%	2	66,7%
Protiv opće sigurnosti ljudi i imovine	6	5	1	20%	4	66,7%
Protiv sigurnosti javnog prometa	4	13	-9	-69,2%	4	100%
Protiv pravosuđa	0	3	-3	---	1	---
Protiv javnog reda i pravnog prometa	11	18	-7	-38,9%	11	100%
Protiv podmićivanja i krivična djela protiv..	2	0	2	---	2	100%
Protiv čovječnosti i vrijednosti zaštićenih međunarodnim pravom (KZBiH)	0	1	-1	---	0	---
Protiv sistema elektronske obrade podataka	0	1	-1	---	0	---
ZONDINOIM-a (Sl.novine KS br.38/07)	5	9	-4	-44,4%	5	100%
UKUPNO	403	439	-36	-8,2%	262	65%

U mjesecu decembru 2017. godine u odnosu na isti mjesec prethodne, zabilježeno je smanjenje broja registrovanih krivičnih djela i to za 36 djela ili 8,2%. Smanjenje je zabilježeno u oblastima protiv imovine (za 37 djela), braka, porodice i mladeži (za 18 djela), sigurnosti javnog prometa (za devet), javnog reda i pravnog prometa (za sedam), itd. dok je povećanje evidentirano iz oblasti zdravlja ljudi (za 27 djela), protiv života i tijela (za 12), okoliša (za dva), itd.

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

Tokom mjeseca decembra 2017. godine u ovoj oblasti evidentirano je 26 krivičnih djela (12 više u odnosu na decembar 2016. godine), i to: ubistvo u pokušaju – jedno djelo (jedno manje), teška tjelesna ozljeda – deset (šest više), lahka tjelesna ozljeda – deset (dva više) i učestvovanje u tuči pet djela (nije bilo ovih djela u uporednom mjesecu).

Sva prijavljena djela iz ove oblasti su rasvijetljena kao i jedno djelo teških tjelesnih ozljeda iz mjeseca septembra 2017. godine. Zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 37 lica, od kojih je 14 povratnika ili 37,8%, a 12 je lišeno slobode.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 19 krivičnih djela (isti broj) - ugrožavanje sigurnosti, za čije izvršenje je prijavljeno 21-no lice, a četiri su lišena slobode.

Krivična djela ugrožavanja sigurnosti počinjena su upućivanjem verbalnih prijetnji, pisanjem poruka prijetjećeg sadržaja i sl. bez težih posljedica po oštećene.

1.2.3. KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirano je 17 djela (18 manje) - nasilje u porodici, a zbog postojanja osnova sumnje da su počinili ova djela prijavljeno je 17 lica, a devet je lišeno slobode.

KRIVIČNA DJELA PROTIV ZDRAVLJA LJUDI

Prijavljeno je 65 krivičnih djela iz oblasti protiv zdravlja ljudi (27 više) i to:

- neovlašćena proizvodnja i stavljanje u promet opojnih droga (čl. 238. KZ FBiH) - dva djela,
- posjedovanje i omogućavanje uživanja opojnih droga (čl. 239. KZ FBiH) – 63 djela.

Zbog postojanja osnova sumnje da su počinili navedena djela podneseni su službeni izvještaji protiv 66 lica , a 29 je lišeno slobode.

Pregled oduzete količine opojnih droga u mjesecu decembru 2017/16 godine

vrsta opojne droge	decembar 2017. godine	decembar 2016. godine
Marihuana (paketići)	8	30
Marihuana (u gramima)	---	200
Marihuana (JOINT - cigarete)	3	1
Amfetamin (u gramima)	----	283
Amfetamin (paketići)	9	11
Kristal met (u gramima)	----	25
Ecstasy (tablete)	----	142
Pribor sa ostacima droge	4	----

Takođe s ciljem pronalaženja narkotičkih sredstava izvršen je pretres 12 lica, tri stambena objekta i automobila po usmenim naredbama Opštinskog suda u Sarajevu.

1.2.5. KRIVIČNA DJELA PROTIV IMOVINE

U ovom mjesecu, registrovana su 244 krivična djela protiv imovine, što je za 37 djela ili 13,2% manje u odnosu na isti mjesec prošle godine. Među djelima iz ove oblasti najbrojnije su: teške krađe – 125 djela (24 manje), zatim krađe – 47 (dva manje), razbojništvo – 40 (16 manje), oštećenje tuđe stvari – 12 (četiri manje), utaja – šest (tri više), prikrivanje - dva (jedno više), itd.

Za ukupno 103 ova djela ili 42,2% identifikovani su osumnjičeni izvršiocima što je za 11,9% manja rasvijetljenost imovinskih delikata u odnosu na isti mjesec prethodne godine.

Kada su u pitanju teške krađe, prema objektu izvršenja najbrojnija su bila motorna vozila (otuđenja pmv i “provale” u ista) - 54 slučaja (pet manje), zatim slijede stambeni objekti - 37 (34 manje), poslovni prostori - 15 (jedno manje), itd.

Na području Kantona Sarajevo u mjesecu decembru 2017. godine izvršeno je 29 krivičnih djela teških krađa motornih vozila od čega su četiri ili 13,8% pronađena i vraćena vlasnicima (od strane policije MUP-a KS, policije RS-a, za novac i od vlasnika, pronađeno je – po jedno vozilo).

Broj teških krađa motornih vozila, znatno je smanjen i to za 15 ili 34,1%.

Prijavljeno je 47 krivičnih djela krađe (dva manje), koja su izvršena 15 puta u poslovnim prostorijama, devet puta u vozilima i na stajalištima GRAS-a, šest u stambenim objektima, na ulici - 12 puta, itd. odakle su otuđivani novčanici, bicikli, alat, gusani slivnici, prehrambeni proizvodi, itd.

Evidentirano je šest krivičnih djela teških krađa na naročito opasan ili naročito drzak način (devet manje) na ulici u kojima su izvršiocima, upotrebom fizičke snage – pet puta, te verbalnom prijetnjom u jednom slučaju, otimali novac i mobitele.

Rasvijetljena su dva djela "drskih krađa" ili 33,3%, a zbog postojanja osnova sumnje da su ih počinili prijavljena su dva lica, povratnika u činjenju krivičnih djela.

Registrovano je 40 krivičnih djela razbojništva (16 manje), od čega je za 19 ili 47,5% djela identifikovan osumnjičeni izvršilac (što je za 10% veća rasvijetljenost u odnosu na uporedni mjesec).

Ova djela izvršena su prijetnjom upotrebe vatrenog oružja - 17 puta, prijetnjom upotrebe noža ili drugog oštrog predmeta – 18 i upotrebom fizičke snage – pet puta, a počinjena su u prodavnicama – 24 puta, sportskim kladionicama – osam, na ulici četiri, na benzinskim pumpama - dva, itd. Otuđivan je novac, zlatni nakit, mobiteli, jedno motorno vozilo, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv devet lica, od kojih je pet povratnika u činjenju krivičnih djela i pet je lišeno slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je šest djela (jedno više) i to: - izazivanje opće opasnosti – pet i nesavjesno čuvanje pasa i drugih opasnih životinja - jedno djelo. Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv pet lica, a tri su lišena slobode.

Krivična djela izazivanja opće opasnosti (pet djela) izvršena su četiri puta na otvorenom prostoru i jedno u ugostiteljskom objektu, pri čemu je u jednom slučaju aktivirana nepoznata eksplozivna naprava, dva puta je pucano iz vatrenog oružja i dva puta je otvorenim plamenom izazvan požar. Posljedica izvršenja navedenih djela je nastala materijalna šteta i uznemirenost građana.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 11 krivičnih djela (sedam manje) i to: nasilničko ponašanje – četiri djela, napad na službenu osobu u vršenju poslova sigurnosti - tri, samovlašće - dva, sprječavanje službene osobe u vršenju službene radnje i krivotvorenje isprave – po jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 18 lica, a 13 je lišeno slobode.

1.3. KRIVIČNA DJELA POČINJENA OD STRANE MALOLJETNIH LICA

U toku mjeseca decembra 2017. godine prijavljeno je 10 maloljetnih lica (tri ili 42,8% više u odnosu na decembar 2016. godine) zbog postojanja osnova sumnje da su učestvovali u izvršenju 10 krivičnih djela (tri ili 42,8% više).

Među prijavljenim maloljetnim izvršiocima, šest su u dobi do 16 godina, a četiri su u dobi između 16 i 18 godina, dok je povratnika u izvršenju krivičnih djela bilo četiri (ili 40%).

Maloljetnici su u proteklom mjesecu 2017. godine prijavljeni za izvršenje krivičnih djela: nanošenje teške tjelesne ozljede, ugrožavanje sigurnosti i oštećenje tuđe stvari – po dva djela, nanošenje lahke tjelesne ozljede, krađa, teška krađa na naročito drzak i opasan način i povreda mira pokojnika – po jedno djelo.

Pregled registrovanih krivičnih djela izvršenih od strane maloljetnih lica u toku mjeseca decembra 2017/2016. godine

Naziv krivičnog djela	decembar17.	decembar16.	+ - %
Teška tjelesna ozljeda	2		2
Lahka tjelesna ozljeda	1	1	isto
Ugrožavanje sigurnosti	2		2
Krađa	1		1
Teška krađa		3	-3
Teška krađa na naročito drzak i opasan način	1	1	isto
Oštećenje tuđe stvari	2	1	1
Iznuda-pokušaj		1	-1
Povreda mira pokojnika	1		1
ukupno	10	7	3 ili 42,8%

AKTIVIRANJE MINSKO-EKSPLOZIVNIH SREDSTAVA

U toku izvještajnog mjeseca registrovan je jedan slučaj aktiviranja minsko-eksplozivnih sredstava (pet manje u odnosu na uporedni mjesec), koji je za posljedicu imao materijalnu štetu na improviziranom objektu.

U proteklom mjesecu nije bilo evidentiranih anonimnih dojava o postavljanju eksplozivnih naprava, kao ni u decembru 2016. godine.

POŽARI

Tokom mjeseca decembra 2017. godine, na području Kantona Sarajevo registrovano je osam požara (isto kao u decembru prošle godine), u kojima je jedno lice poginulo.

Prema statističkim pokazateljima, četiri požara su izazvana namjerno, dva zbog tehničkih nedostataka, jedan nehatom, dok uzrok jednog požara spada u kategoriju ostalih.

SAMOUBISTVA

U mjesecu decembru 2017. godine na području Kantona Sarajevo registrovana su dva samoubistva (isto), izvršena vješanjem.

Samoubistva su izvršila dva muškarca starosne dobi između 30 i 40 godina.

JAVNI RED I MIR

Policijski službenici su u toku mjeseca decembra 2017. godine protiv učinilaca prekršaja iz oblasti javnog reda i mira podnijeli ukupno **263 prekršajna naloga i zahtjeva** za pokretanje prekršajnog postupka (naloga - 155, zahtjeva - 108), što u odnosu na mjesec decembar 2016. godine predstavlja smanjenje za 188 ili 41,7%. Prekršajne sankcije su preduzete **protiv 303 lica** (182 ili 37,5% manje).

Na prekršaje utvrđene Zakonom o prekršajima protiv javnog reda i mira odnosi se 253 prekršajne sankcije (ili 96,2%), a na prekršaje koji su utvrđeni Odlukom općinskih vijeća o javnom redu i miru 10 ili 3,8%.

Od ukupnog broja prekršajnih sankcija, 45 su lica koja su i ranije činila prekršaje (povratnici), dva su maloljetna lica, a jedan je strani državljanin. Prema starosnoj strukturi učinilaca prekršaja, najbrojniji su oni preko 36 godina (178), zatim između 26 i 35 godina (77), između 19 i 25 godina (46) i dva maloljetna lica.

Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, nije bilo teže povrijeđenih lica (kao ni u istom mjesecu 2016. godine), dok je lakše povrijeđeno 14 lica (sedam manje), od kojih su dva maloljetnika.

Od ukupnog broja prekršajnih sankcija koje su preduzele policijske stanice Stari Grad (16), Centar (28) i Novo Sarajevo (27), najveći broj se odnosi na prekršaje učinjene prosjačenjem (71 ili 27%), što je rezultat pojačanih aktivnosti službenika policije na suzbijanju ovog oblika narušavanja javnog reda i mira, koje je najizraženije na području užeg centra grada.

U toku mjeseca decembra 2017. godine, u odnosu na isti mjesec 2016. godine, povećanje prekršajnih **Prema vrsti prekršaja**, najveći broj prekršaja učinjen je **prosjačenjem** (78 ili 29,6% od ukupnog broja), naročito drskim ponašanjem (55 ili 20,9%), tučama (36 ili 13,7%), te odbijanjem naređenja i omalovažavanjem policijskih službenika (19 ili 7,2%). Prekršaja koji su učinjeni svađom, vikom i nepristojnim ponašanjem bilo je devet, paljenjem petardi šest, dok je ostalih prekršaja bilo 50. Preostalih 10 prekršaja odnosi se na prekršaje koji su regulisani Odlukom općinskih vijeća o javnom redu i miru.

Tabelarni pregled strukture prekršaja iz oblasti javnog reda i mira za decembar 2017/16. godine

STRUKTURA PREKRŠAJA	decembar 2017.	decembar 2016.	+ - %
UKUPNO prekršajnih naloga i zahtjeva za ppp	263	451	-188 ili 41,7%
UKUPNO lica	303	485	-182 ili 37,5%
Prekršaji prema Zakonu o prekršajima protiv JRiM:	253	405	-152 ili 37,5%
<i>-Tuče</i>	36	58	-22 ili 37,9%
<i>-Naročito drsko ponašanje</i>	55	46	9 ili 19,6%
<i>-Odbijanje naređenja i omalovažavanje pol. služb.</i>	19	28	-9 ili 32,1%
<i>-Prosjačenje</i>	78	188	-110 ili 58,5%
<i>-Svađa, vika, nepristojno ponašanje</i>	9	11	-2 ili 18,2%
<i>-Paljenje petardi</i>	6	8	-2 ili 25%
<i>-Neovlaštena upotreba oružja</i>	0	0	---
<i>-Ostali prekršaji</i>	50	66	-16 ili 24,2%
Ukupno naloga/ zahtjeva prema Odluci o.v. o JRM	10	46	-36 ili 78,3%

U odnosu na mjesec decembar 2016. godine, povećan je broj prekršaja koji su učinjeni naročito drskim ponašanjem (za devet ili 19,6%), dok je u svim ostalim slučajevima taj broj smanjen.

Prema mjestu izvršenja, najveći broj prekršaja izvršen je **na ulici i na drugim otvorenim prostorima** (230 ili 87,4% od ukupnog broja), a znatno manje u ugostiteljskim objektima (10 ili 3,8%), u vozilima javnog saobraćaja (četiri), trgovinskim radnjama i u školama i školskim dvorištima (po jedan). Na ostalim mjestima izvršeno je 17 prekršaja.

Tabelarni pregled broja prekršajnih sankcija prema mjestu izvršenja u mjesecu decembru 2017/2016. godine

MJESTO IZVRŠENJA	DECEMBAR 2017.	DECEMBAR 2016.	+ - %
Ulica i drugi otvoreni prostor	230	382	-152 ili 39,8%
Ugostiteljski objekti	10	38	-28 ili 73,7%
Sportski stadioni i dvorane	1	0	1
Škole (školska dvorišta)	0	2	-2
Vozila javnog saobraćaja	4	0	4
Trgovinske radnje	1	4	-3 ili 75%
Ostala mjesta	17	25	-8 ili 32%
UKUPNO	263	451	-188 ili 41,7%

U poređenju sa istim mjesecom 2016. godine, u proteklom mjesecu broj prekršaja na sportskim terenima i u vozilima javnog saobraćaja je povećan, dok je broj svih ostalih oblika prekršaja smanjen. Na području Kantona Sarajevo u mjesecu decembru 2017. godine održano je 167 javnih skupova (12 ili 6,7% manje u odnosu na decembar 2016. godine). Policijski službenici su proveli planske aktivnosti javnih skupova, koji su protekli bezbjedno, a u 61 slučaju izvršeno je KDZ osiguranje.

SAOBRAĆAJ

Tokom mjeseca decembra 2017. godine, u odnosu na isti mjesec prošle godine, na području Kantona Sarajevo registrovano je smanjenje ukupnog broja saobraćajnih nezgoda, nezgoda sa materijalnom štetom i sa nastradalim licima, dok je povećan broj povrijeđenih lica.

Registrovano je 835 saobraćajnih nezgoda (158 ili 15,9 % manje), 774 sa materijalnom štetom (157 ili 16,9 % manje) i 61 sa nastradalim licima (jedna ili 1,6 % manje).

U naselju je registrovano 748 saobraćajnih nezgoda (53 sa povrijeđenim licima i 695 sa materijalnom štetom), van naselja 87 nezgoda (osam sa povrijeđenim licima i 79 sa materijalnom štetom).

Evidentirano je 145 saobraćajnih nezgoda na raskrsnicama u naselju, 37 na raskrsnicama van naselja, devet na pješačkom prelazu i 644 saobraćajne nezgode čije se karakteristike ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo
za mjesec decembar 2017./2016. godina

	decembar 2017.	decembar 2016.	+ , - , %
UKUPNO SAOBRAĆAJNIH NEZGODA	835	993	- 158 ili 15,9 %
Saobraćajne nezgode sa nastradalim licima	61	62	- 1 ili 1,6 %
Saobraćajne nezgode sa materijalnom štetom	774	931	- 157 ili 16,9 %
POGINULO LICA	0	0	-----
- vozači	0	0	-----
- putnici	0	0	-----
- pješaci	0	0	-----
POVRIJEĐENO LICA	80	72	+ 8 ili 11,1 %
- vozači	34	25	+ 9 ili 36 %
- putnici	26	20	+ 6 ili 30 %
- pješaci	20	27	- 7 ili 25,9 %

POSLJEDICE SAOBRAĆAJNIH NEZGODA

Tokom mjeseca decembra 2017. godine, u saobraćajnim nezgodama na području Kantona Sarajevo 80 lica je povrijeđeno (osam ili 11,1 % više), 14 teže i 66 lakše. Poginulih lica nije bilo (kao ni u decembru prošle godine).

Među povrijeđenim licima evidentirana su:

- 34 vozača (devet više)
- 26 putnika (šest više)
- 20 pješaka (sedam manje)

Tabelarni pregled nastradalih lica u saobraćajnim nezgodama po kategoriji učesnika
za mjesec decembar 2017./2016. godina

	POGINULI			TEŠKO POVRRIJEĐENI			LAKŠE POVRRIJEĐENI		
	dec. 2017.	dec. 2016.	+, -, %	dec. 2017.	dec. 2016.	+, -, %	dec. 2017.	dec. 2016.	+, -, %
VOZAČI	0	0	-----	1	2	- 1 ili 50 %	33	23	+ 10 ili 43,5 %
PUTNICI	0	0	-----	6	0	+ 6	20	20	isto
PJEŠACI	0	0	-----	7	9	- 2 ili 22,2 %	13	18	- 5 ili 27,8 %
UKUPNO	0	0	-----	14	11	+ 3 ili 27,3 %	66	61	+ 5 ili 8,2 %

Kada je u pitanju stepen povreda, jedan vozač je teže, a 33 lakše povrijeđena, šest putnika je teže, a 20 lakše povrijeđeno, dok je sedam pješaka teže, a 13 lakše povrijeđeno.

Starosna struktura lica povrijeđenih u saobraćajnim nezgodama je sljedeća: od 21 do 24 godine – 15 lica, od 31 do 40 godina – 14 lica, od 41 do 50 godina – 12 lica, od 51 do 65 godina – 12 lica, itd.

Prema kategoriji puta, najveći broj saobraćajnih nezgoda registrovan je na ulicama u naselju – 613 nezgoda u kojima su 44 lica povrijeđena, na magistralnim putevima – 84 nezgode u kojima je 13 lica povrijeđeno, na regionalnim putevima – 61 nezgoda (dva lica povrijeđena), na lokalnim putevima – 51 nezgoda (14 lica povrijeđeno) i na putevima koji se ubrajaju u kategorij u ostalih – 26 saobraćajnih nezgoda (sedam lica povrijeđeno).

UZROCI SAOBRAĆAJNIH NEZGODA

Od ukupno 835 uzroka saobraćajnih nezgoda, 137 je bilo zbog neprilagođene brzine (33 lica povrijeđena), 16 zbog uticaja alkohola (četiri lica povrijeđena), pet zbog klizavog puta (bez nastradalih lica), jedna zbog oštećenja puta (bez nastradalih lica), jedna zbog uticaja opojnih droga (jedno lice povrijeđeno), dok uzroci za 675 saobraćajnih nezgoda spadaju u kategoriju ostalih (42 lica povrijeđena).

Tokom mjeseca decembra 2017. godine, kontrolisano je ukupno 17.041 vozilo (7.020 manje), 4.149 lica u vozilima (159 manje), izvršen je pregled 173 vozila (82 manje) i 218 lica u vozilima (18 manje).

Zbog tehničke neispravnosti iz saobraćaja je isključeno 28 vozila (24 manje), 254 vozača su zatečena da upravljaju vozilom pod dejstvom alkohola (82 manje), 310 bez korištenja sigurnosnog pojasa (376 manje), 79 bez položenog vozačkog ispita (13 manje), a 106 vozača je učestvovalo u saobraćaju bez važeće registracije (34 manje).

Zbog kršenja propisa iz oblasti sigurnosti saobraćaja uručena su 12.422 prekršajna naloga vozačima (5.374 manje u odnosu na decembar prošle godine) i podneseno 58 zahtjeva za pokretanje prekršajnog postupka (133 manje). Evidentirana su četiri krivična djela zbog ugrožavanja sigurnosti javnog prometa (osam manje).

MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca decembra 2017. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručena su 5.562 prekršajna naloga (2.840 manje), upozoreno je 435 vozača (87 manje), a specijalnim vozilom "pauk" premješteno je 311 vozila (64 više).

Takođe, pješacima koji su kršili propise uručena su 144 prekršajna naloga (318 manje), a upozorena su 142 pješaka (26 manje).

ZAKONITOST U RADU

Tokom mjeseca decembra 2017. godine, registrovana su tri napada (isto kao u decembru prošle godine) na policijske službenike. U napadima su učestvovala četiri punoljetna lica koja su lišena slobode.

Policijski službenici su u dva slučaja opravdano upotrijebili silu (jedna manje):

- ❖ vatreno oružje - jednom
- ❖ fizičku snagu – jednom

Tokom mjeseca decembra 2017. godine, razmatrana je 31 predstavka na rad službenika policije među kojima je za 11 predstavki (četiri manje) data saglasnost da se sprovede unutrašnja istraga, za osam predstavki da se izvrše provjere i prikupi dokumentacija, dok je za pet predstavki odlučeno da nema osnova za vođenje unutrašnjih istraga.

Postupano je po 37 predstavki iz ranijeg perioda, tako da je vođeno ukupno 48 predstavki (18 više). Okončano je 14 unutrašnjih istraga, među kojima je šest bilo bez dovoljno dokaza, u četiri slučaja predstavke su neosnovane, u tri slučaja osnovane, dok je u jednom slučaju istraga obustavljena.

5. AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

Evidentirano je pet djela regulisanih ZONDINOIM-om (četiri manje) počinjenih od strane pet lica.

U sklopu aktivnosti na oduzimanju nelegalno posjedovanog oružja i drugih predmeta oduzeto je: sedam pištolja, četiri komada „noževa, mačeva, sablji, bajoneta i sl.“, 61 komad municije raznog kalibra, 908 kom. petardi, itd.

Fizičkim licima izdata su 83 odobrenja za nabavku vatrenog oružja (51 manje) i 86 oružnih listova (43 manje).

6. RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom mjeseca decembra 2017. godine preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, nevladinim organizacijama, raznim udruženjima građana, predstavnicima vjerskih zajednica, školama, i dr.

Između ostalog, preduzimane su sljedeće aktivnosti:

Dana 04.12.2017. godine u SCC-u u ulici Vrbanja, općina Centar realizovana je kampanja "Borba protiv korupcije" i "Dani otvorenih vrata" ispred MUP-a KS i Kantonalnog tužilaštva KS u saradnji sa ICITAP-om i INL-om (Kancelarija za međunarodnu borbu protiv narkotika i provedbu zakona Vlade SAD-a). Cilj navedene kampanje je ohrabrivanje, osnaživanje svih građana da svaki oblik koruptivnog ponašanja mogu prijaviti nadležnim službama i institucijama, te upućivanje na koje sve načine se korupcija može prijaviti;

Dana, 06.12.2017. godine u prostorijama VSTV-a BiH u ulici Kraljice Jelene, općina Novi Gard Sarajevo, održan je radni sastanak predstavnika VSTV-a BiH, Uprave policije MUP-a KS i predstavnika FMUP-a. Na navedenom sastanku dogovoreni su konkretni zadaci i obaveze u cilju implementacije projekta "Jačanja tužilačkih kapaciteta u sistemu krivičnog pravosuđa u BiH". Realizacija projekta ima za cilj da se djeci školskog uzrasta šestih razreda omogući da kroz praktičnu demonstraciju potakne povećanje svijesti da se nezakonito ponašanje ne isplati;

Dana, 21.12.2017. godine u sjedištu MUP-u KS, održan je radni sastanak u vezi projekta "Uklanjanje grafita" gdje je formirana radna grupa, kojoj su naloženi konkretni poslovi i zadaci za naredni period.